

# Hanspeter Meiler resta president

La radunonza generala dalla Cuminonza romontscha da Trin ha reelegiu siu president Hanspeter Meiler. Il post dalla cassiera partenta Renata Jäger surpren Christian Parli e Natalia Fry entra en suprastonza.

AUGUSTIN BEELI/FMR

Flem ei, oriundamein e da sias ragischs anora, ina vischnaunca romontscha. Quei semanifestescha aunc els numns locals ed els numns dallas numerusas casas da vacanzas. La scola da Flem ei tudestga, ed era la politica ufficala e l'administraziun ein monolingualas. Malgrad quei discuoran ins a Flem aunc bia romontsch ed il respect pil lungatg oriund ei gronds.

Quei ha la geraua da scola, *Sol Brit Bonderer Imper*, attestau l'jamna vargada a caschun dalla radunonza generala dalla Cuminonza romontscha da Flem (CRF). Ella ha priu part ton sco commembra e sco responsabla dil departament da scola e representanta dalla suprastonza communal. La geraua ha rendiu attent alla fiasta da scola ch'ei planisada ils 3 da zercladur 2023. A caschun da quella vegn in «mir romontsch» inauguraus sigl areal dalla casa da scola Surmir.

## Survetschs divins han success

La CRF dumbri dapresent 114 commembras e commembers, ha il president *Hanspeter Meiler* informau. Da quels han rodund 20 priu part alla radunonza generala, ulteriurs 20 eran seperstgisai. Il president ha rapportau da puncts culminonts digl onn. Finamira dalla CRF eis ei da rimnar Romontschas e Romontschs e da tgirar la cumpignia. Aschia han pli che 60 persunas gudiu la dumengia dils 28 d'uost 2022 a Punt



La suprastonza nova dalla CRF, da sen. Natalia Fry, Christian Parli, Hanspeter Meiler e Giosch Gartmann.

FOTO AUGUSTIN BEELI

Gronda sur Flem. Sco quella hagian certas occurrenzas grond success, per part seigi gl'interess maghers. Ina purschida che vegni apprezzada generalmein paran ils survetschs divins romontschs cun ser *Luigi Battaglia* ella baselgia da Fidaz dad esser. Quels hagian gronda accoglien-

tscha, suenter priedi gaudien tuts la cumpignia ell'ustria dil Fidazerhof gest sper baselgia, ha il responsabel *Giosch Gartmann* getg. Sis priedis romontschs ein previ il 2023. Ser *Hansjakob Riedi*, plevon a Glion, ei prompts da menar in ni l'auter tenor basegns.

Era il Café Rumantsch ed il Cant aviert, duas purschidas fixas, dueien cuntinuar gl'onn current. *Rica Maria Cathomen* ha beneventau ils presents cun ina sonata per clavazin da Mozart. El decuors dalla sera ha ella envidau da cantar canzuns ord il «cudisch blau». Tgi che ha vu-

liu ha astgau giavischar, finamira eis ei stau da dar in schatg dallas pacificas seras da cumpignia. Sco quei che *Rica Maria Cathomen* ha constatau, separticipeschan era persunas d'ordeifer al cant aviert a Flem, quellas vegnan da Cuera, Panaduz tochen Glion ed ord Lumnezia. La participaziun ei buca mintga gada tuttina gronda, la musicista vul denton cuntinuar cun quella sera.

## Dapi siat onns in team

Il Café Rumantsch ha *Claudia Margison-Casanova* organisau e menau ils davos onns. Ella ha calau, ei denton prompta da segidar cul niev responsabel *Christian Parli*. *Ruth Gartmann* ha rapportau dallas Guidadas tras Flem ch'ella organischa en cooperaziun cun FLF Turissem. Era quella purschida duei cuntinuar. Da niev ein ellas la sonda, ils termins ein puspèi coordinai cullas occurrenzas dalla destinaziun turistica. Buca mo hosps da vacanzas, era indigens, sappien far scuviertas silla girada tras il vitg vegl da Flem, ha *Ruth Gartmann* manegiau.

Suenter la radunonza ha la suprastonza offeriu in apero. Aunc avon ha la radunonza reelegiu Hanspeter Meiler sco president e Giosch Gartmann sco actuar e vicepresident. Quei team cooperescha dapi siat onns e fa il pusseivel da tener alert il spèrt romontsch ella publicitad a Flem. La cassiera *Renata Jäger* haveva demissiunau. Siu post ha *Christian Parli* surpriu. Da niev en suprastonza entra *Natalia Fry* sco assessura.

reclama

## TOP DEALS

**DA STAUNT DIE SCHWEIZ: UNSERE TOP DEALS DER WOCHE**

Gültig von Dienstag, 28.03. bis Samstag, 01.04.2023

**40%**  
**3.95**  
statt 6.60

**Henneiz Mineralwasser mit Kohlensäure / wenig Kohlensäure**  
6 x 1.5 Liter  
Schweiz

**40%**  
**27.60**  
statt 46.20

**Feldschlösschen Original Lager**  
24 x 5 dl

**52%**  
**1.75**  
statt 3.70

**Schweinsnierstück**  
ca. 800 g, 100 g = 1.75

**25%**  
**2.40**  
statt 3.20

**Kopfsalat rot**  
Stück  
Frankreich

Exklusiv bei SPAR

**41%**  
**9.95**  
statt 16.95

**Ripasso della Valpolicella Lamberti**  
7.5 dl  
Italien, Veneto  
Corvina, Rondinella, Molinara

**40%**  
**9.15**  
statt 15.30

**SPAR Branches Megapack**  
30 x 22.75 g

**20%**  
**9.50**  
statt 11.95

**Mövenpick Glacé**  
alle Sorten, 900 ml  
z.B. Mövenpick Vanilla Dream, 900 ml

**SPAR Aktuelle Angebote-App herunterladen!**

Solange Vorrat. Abgabe nur in Haushaltsmengen. Alle Preise in Schweizer Franken. Satz- und Druckfehler vorbehalten. SPAR verkauft keinen Alkohol an Jugendliche unter 18 Jahren.